

TEHEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: E Piti Toata i te Matahiti.

Nu

Me. 1934


Mat. 28

110. "Mai te mea râ e pohe atoa'tu â outou no te
parau-tia ra, e ao ia to outou. Eiaha hoi e mata'u atu i
ta ratou ra haamata'uta'uraa, eiaha e peapea." I Petero
3:14; 4:14, 19; B. F. 101:5.

Rotera Taratona.

Ua fanau mai o Rotera Taratona i te matahiti 1879.
E ua haere oia i te mau haapiiraa. E taata itoito roa oia
mai to'na apiraa i roto i te ohipa no te Ekalesia. I te 22 no
to'na matahiti ua haere oia i te tufaa Apatoa i te fenua A-
merika ia porohaere i te Evanelia, e i roto i to'na raveraa
i te ohipa a te Atua, i taua fenua ra, ua tupu te hoê peapea
i reira, o tei faaite mai ia tatou e, to'na papuraa i te rave-
raa i te parau mau e to'na tiaturiraa i te parau a te Atua.
"O te parautia o te paruru ia o tei haapao".

Te hohoa teie o Roterā TARATONA, te Peresideni no te Pupu Ahuru mā Piti Aposetolo.



i to
Ro
i ro
pu
te
Ore
ma
te j
ma
ap
e a
par
ite
i it
par
te h
tavi
teie
eah
me
ua
out
haa
mat
ua
rav
o R
tato
rato

I te poipoi roa no te mahana Sabati i te 21 no Tiurai i te matahiti 1879, ua haere e toopiti orometua oia hoi, Roterā Taratona raua o Iosepha Standing na te hoê purumu i roto i te ururaa, ua opua raua ia haere i te oire no te pureraa. E poipoi nehenehe roa taua poipoi ra, ua himene te mau manu i roto i te mau ururaa, e ua haere teie na Orometua ma te aaui haehaa e te hinaaro mau ia haapao i te mau faaueraa a te Atua, e aita roa raua i manao e, e tupu te peapea, no te mea aita roa raua i rave i te hoê ohipa maori ra i te haapii atu i te parau a te Atua. E na taata apî roa raua, e 26 matahiti to te tahi e 22 matahiti to te tahi, e aita raua i afai i te pupuhi, e aore ra te hoê mea no te paruru ia raua iho, maori ra te parau a te Atua.

I to raua taeraa i te hoê tipunraa no te purumu, ua ite raua e 12 taata i te haere raa mai. E i te taime ta ratou i ite i teie na Orometua, ua haamata ratou i te pii atu, e ia parau i te mau huru parau faufau atoa. Ua riro ratou mai te hoê mau animara taehae te huru. Ua tia noa teie na tavini a te Atua i ropu i te purumu, e i te faatata raa mai o teie mau taata, ua parau atu o Iosepha ia ratou, "E homa eaha te tumu outou i haapeapea mai ai ia maua? Mai te mea ua rave maua i te hoê hape a faaite mai, e mai te mea ua haamanahia outou e te Hau e haere maua na muri iho ia outou". Aita roa ratou i faaite atu ia raua i ta ratou parau haamanaraa na te Hau, no te mea e pûpû taata ino ratou, "Na matou e faaite ia orua to matou manao". E i te reira taime, ua ou'a mai te tahi na nia mai i ta'na puaahorofenua e ua rave oia i ta'na pupuhi e ua tuu oia i te reira i mua i te aro o Roterā Taratona mai te parau e, "Te pupuhi nei au ia oe",.

E i muri ae ua parau mai taua taata ia raua. "Ahoi tatou na te purumu ta orua i haere mai". E ua haamata ratou i te haereraa, e aita i maoro ua haere e too toru taata

na nia i te puaahorofenua i te tahi vahi e, e ua tia i te toe no ratou e na orometu ia ratou. I te mairi raa o te hoê hora ua tae mai ratou, e i te taima ta Iosepha i te ia ratou i te haere raa mai, au tia mai oia i nia, e ua afai oia i to'na na rima i te ra'i mai te parau atu ia ratou, "Tei ia outou te parau" i te reira te taima te tuuraa ia i te pupuhi i mua i to'na aro, e ua pupuhia oia e ua topa mai Iosepho i nia i te fenua e ua pohe atura oia.

I te pupuhiraahia o Iosepha, ua tia mai te mau taata, e ua parau atu ratou, "A pupuhi tera'e taata", oia hoi, Roterā Taratoua e ua rave te mau taata i ta ratou mau pupuhi e ua faatano ratou i te reira i nia ia Roterā, e ua mana'o iho ra oia e, ua tae ta'na mahana hopea i nia i teie nei ao, e e hoê minuti toe e haere atu ai oia i te ra'i ra, te vahi i haapaohia noa.

E i te reira taima ua tia mai teie orometua apî i nia i mua i te aro o teie mau taata iino, e ua opai oia i to'na na rima, e ua parau atu oia ia ratou. "A pupuhi". E ua tia i oia, e ua vai noa te mau pupuhi i faatanohia i nia ia'na, i te reira taima, ua tau i te mana'o o to ratou taata faatere e ua pii atu ra oia "Eiaha e pupuhi", e ua tuuhia ta ratou mau pupuhi i raro, e ua ite ratou i te ohipa iho ta ratou i rave. Ua haamata i hora ratou i te paraparau i rotopu ia ratou iho. E ua parau atu ra Roterā ia ratou. "E homa e mea ino roa ia vaiho i teie tino i ò nei, i te vahi mahana, aita anei outou e haere e imi i te ravea ia tae teie tino i te hoê fare, e aore ra a faatia mai outou ia'u ia haere? E ua parau mai te taata faatere, "A haere oe". E ua haere atura oia, e aita o Roterā i farerei faahou i taua pupu taata ra.

Ua fāanehenehehia te tino e Roterā, e ua afaihia te reira i Roto Miti, e ua faaterehia te pureraa i te 9 no Atete

te matahiti 1879 i roto i te Fare Menemene rahi, e na tae mai e 10,000 taata i taua pureraa ra.

Te taoto nei te tino o Iosepha Standing i raro ae i te hoê tii nehenehe, o tei faatiahia e te Ekalesia ei haamana'o-raa ia'na i to'na poheraa no te ohipa a te Atua. E e tiafaa-hou mai oia i te poipoi o te mahana matamua no te tiafaa-houraa matamua.

Te mau taata o te rave i teie ohipa ino, ua faantuahia ia ratou e te Hau, e ia tae te mahana o to ratou tiafaa-houraa e faarii faahou â ratou i te utua no te ohipa i ravehia e ratou.

I te 10 no Atopa i te matahiti 1898 ua maitihia o Roterā Taratona ei Apotetoro no te Ekalesia a Iesu Mesia i te Feia Mo'a i te Mau Mahana Hopea Nei. E mai te reira mai â mahana e tae roa mai i teie nei, ua rave itoito oia i te ohipa e au i to'na toroa. E teie nei, o oia ia te Peretiteni no te pupu Tino Ahuru ma Piti.

E tavini mau oia no te Atua.

Papahia e Leroi Marori.

E Tapao Hopea Ore no te Ekalesia Mau

Ia hinaaro te hoê taata patu fare i te hamani i te hoê fare rahi roa e papai oia i te hoê hoho'a no te fare i opuahia e ana ra. E papai oia i te mau faitoraa atoa e e faaite hoi oia i te mau huru raau e te mau huru mea atoa i hinaarohia no te otiraa i taua fare ra. E i reira e horoa atu ai oia i taua hoho'a ra i te feia tamuta e na ratou e faatia i te fare-mai te au i tei opuahia e ana ra.

Ia rave te feia tamuta i taua hoho'a ra e haamata

ratou i te faatia i te fare mai tei au i te hoho'a i horoahia'tu la ratou ra. Eaha ra te tupu mai te mea e taa ê atu te taata na'na te hoho'a i papai ra i to'na feia tamuta ra? O teie ia te mea e tupu mai. Oia hoi e haaputuputu mai ratou i te mau raau e te biriki e te ofai e te punu e te mau mea atoa hoi o tei faaitohia mai i nia i te hohoa e e faatia ratou i te fare mai te au i te auraa e noaa mai ia ratou na roto i ta ratou taioraa i te hoho'a e te mau faitoraa i reira ra. E rave itoito noa ratou i ohipa e tae noa'tu i te otiraa i te fare. E ia hoi mai te taata na'na te hoho'a ra, aita te fare e au i te mau vahi atoa ta'na i opua. E teie te tumu e huru ê ai tana fare ra, maori râ, tei te taata patu fare te ite i te mau vahi atoa ta'na i hinaaro i roto i te fare, e ia horoa noa'tu oia i te hoho'a no te fare i te feia tamuta ra a taa ê atu ai ra, aita e noaa maitai te auraa mau no te hoho'a ia ratou maori râ, ia parahi noa mai te taata patu fare i reira no te haamaramaramaraa'tu ia ratou ra. Mai te mea e haere ê atu oia e tupu ihoa te hape.

E homa e mea tano roa ia faaauhia'tu teie nei hoho'a i te Evanelia nei, e te taata patu fare ra, ia faaauhia'tu oia i te Atua. E te feia tamuta ra, o tatou ia tei parahi i nia i teie nei ao. E te hoho'a ta'na i vaiiho mai ia tatou nei, tei roto ia i te mau papairaa Mo'a, oia hoi te Bibilia e te Buka a Moromona e te Buka Fafau e te Buka Poe Tao'a Rahi hoi. Tera râ, mai te au i tei parauhia na nia i te paturaa i te fare, aita e tia ta tatou iho faatiaraa i te fare no te Ora Mure Ore maori râ ia apitihia'tu taua hoho'a ra i te mau tautururaa e te mau hanmaramaramaraa a te tamuta Rahi. E taua haamaramaramaraa ra, o te Heheuraa ia no ô mai i te Atua ra.


Ia ore te Heheuraa e tupu ihoa te hape, no te mea aita tatou, i to tatou nei pouri, e noaa te auraa mau no te hohoa tana e vaiiho mai ia tatou nei.

E no reira e mea tia ia parauhia te Heheuraa ei "*Ta-pao Hopea Ore no te Ekalesia.*"

Papahia e MITIELA



Na Melo no te Ekaleia, a Iesu Mesia.



Te hoho'a o te Hiero o te Ekalesia a Iesu Mesia i Hawii

te
Na
ma
Ro
Ati
poi
ma
Nev
Alo
"pr
ratic
oia
fenti
Eka
Hof
'o te
reir
tus,
tae
i ma
ohip
pape
ua b
e o 4
o Te
mua

Te Mau Orometua Matamua.

I roto i te hoê apooraa, no te Ekalesia a Iesu Mesia i te Feia Mo'a i te Mau Mahana Hopea Nei, tei faatiahia i Navu (Nauvoo) i te 23 no Me i te matahiti 1843, ua haamaitaia e ua faataahia to'u tupuna tane oia hoi o Noa â Rotera (Noah Rogers), ratou o Beniamina â Turuati o Atitiona â Paraita, e o Noratona â Hana, ei orometua no te porohaereraa i te Evanelia i teie pae au moana nei.

Ua faarue ratou i te oire Navu (Nauvoo) i te mahana matamua no Tiurai i te matahiti 1843, e ua tae ratou i te oire New Bedford Mass, no te haereraa i nia i te pahi, e i te 9 no Atopa i te matahiti 1843 reva'tura ratou i nia i te pahi "Timoleon" no te haere mai i teie paeau moana nei, e i to ratou tereraa, pohe atura o Noratona â Hana, e ua tanuhia oia i roto i te moana i te 3 no Novema i te matahiti 1843.

I te 6 no Me i te matahiti 1844 ua tae ratou i te fenua Tubuai, e o ratou ia te mau Orometua matamua, no te Ekalesia a Iesu Mesia i te Feia Mo'a no te Mau Mahana Hopea Nei, tei porohaere i te Evanelia i te mau fenua rii o te moana Patitifa. Faaea ihora ratou e maa taime rii i reira e ua faataahia o Paraita no te parahi i reira ei Orometua, e ua tere mai, o to'u tupuna tane raua Turuati e ua tae mai i Papeete i te 14 no Me i te matahiti 1844. E aita i maoro i muri iho manuia roa a'era raua i roto i ta raua ohipa.

Ua tae mai, i Tahiti, te hoê rata no Tubuai, mai tei papaihia e Paraita, i roto i taua rata ra, ua faaite mai oia e, ua bapetizo oia i te 21 no Tiurai i te matahiti 1844 e 4 papaa, e e 4 taata maohi e teie to ratou mau io'a oia hoi o Nabota, o Terii, o Pauma, e o Haamoe, e o ratou te mau taata matamua tei faarii i te Evanelia i teie paeau moana nei.

I te hepetoma i muri a'e, oia hoi i te 27 no Tiurai i te matabiti 1844, na faatiahia te hoê amaa, e Paraita, i te fenua Tubuai, e e 11 melo o tana amaa matamua ra, no teie mau fenua moana nei.

I te 3 no Tiurai i te matabiti 1845, na faataahia o Paraita e Noa â Roterā ei Peretiteni no teie Mitioni no teie paeau fenua nei, e i te otiraa o tana ohipa ra, reva'tura oia, oia hoi to'u tupuna tane i te fenua Amerika na nia i te pahi "Three Brothers" e ua tae oia i Navu (Nauvoo) i te 26 no Ditema i te matabiti 1845.

I to'na taeraa i Navu (Nauvoo). Ua amui'atura oia i te Ekalesia i reira, e haere atoa'tura oia i te tooa o te ra, e tae atura oia i te vahi i parauhia Mount Pisgah, Iowa e i reira to'na poheraa, e to'na tanuraahia i te 31 no Me i te matabiti 1846, e o oia te taata matamua tei tanuhia i tana oire ra.

I te 28 no Mati i te matabiti 1847, faataa'tura o Paraita ia Beniamina Turnati ei Peretiseni no teie mitioni e reva atura oia i Amerika na nia i te pahi "Providence" e ua tae oia i Roto Miti, Utaha, i te 28 no Tetepa i te matabiti 1848. E pae matabiti te maoro no to'na parahiraa i teie paeau, e ua rave oia i te ohipa mitinare ma te manuia roa i teie mau fenua moana nei, e e 1200 taata tei bapetizohia i roto i te Ekalesia a Iesu Mesia i te Feia Mo'a i te Mau Mahana Hopea Nei.

Papaihia e Roterā.

Eaha To Tatou Huru A Muri Atu.

Papaihia e Ioane A. Widtsoe.

Ua tuuhia mai te Evanelia, no te taime hopea e aita oia e rave faahouhia no nia i teie nei ao. E tia ia porohia te reira e e porohia te reira i te mau nunaa atoa, e te vai nei te tauatiniraa o te taata te farii'ia'na e to'na hopea o te upootiarā ia. Noa'tu e e faahope mai te mau mānā o

te pô i to ratou puai, e haere noa te chipa a te Atua i mua e tae noa'tu i to'na faahope roa raa hia. No reira eita e tia, i te mau Feia Mo'a no te mau Mahana hopea nei, ia haapeapea ia ratou no te huru o te Ekalesia i te mau tau a muri atu, i te mau fenua atoa.

E papu anei ia tatou i te huru, a a muri atu, no te mau melo no te Ekalesia? Te faahema, tei ore i faaea noa, te aratai noa nei oia i te paruparu i te hara, e te hopea o te rahirau o tei faahemahia o te haama ia e te pohe. Erea ra, e tia i te mau taata atoa ia faaitoito e ia upootia i nia i te ino, no reira e tia i te mau taata atoa ia faarave, i to'na puai e to'na hinaaro, i te ohipa e ia pure tia ia'na ia haere ma te afaro i mua i te Atua. Te reira ia te mau mea i titauhia no te faaineineraa i te hoê hopea maitai no tatou.

E tia i te mau melo atoa no te Ekalesia, noa'tu i te vahi, ia imi i te ravea ia noaa ia'na te mana'o e te aau mitinare, e ia rave i nia ia'na iho, te mau ohipa o te mitinare. E tia ia vai i roto i te Feia Mo'a mau no te Mau Mahana Hopea nei, te hinaaro ia aratai mai te mau taata atoa, e tei hau roa'tu te mau taata tei matau roa hia i ratou, ia ite i te mea faufaa roa ta'na i ite, oia hoi te Evanelia a te Mesia. E tia i te melo no te Ekalesia, ia ite, mai te mea e imi oia, i te mau ravea i roto i to'na oraraa i te mau mahana'toa ia haapii atu i te Evanelia ia vatahia ê, e te vai nei te milioni raa o te taata o te hiaai noa nei i te Evanelia ma te ite ore, e tei roto i to tatou mau rima te ravea ia faarahi i te melo i roto i te Ekalesia.

O te ravea rahi faaora o te Evanelia nei, o te aroha ia. E tia ia vai, ma te papu mau, te aita hoê raa e te hau i roto i te mau melo no te Ekalesia, no te mea o taua mau hotu ra o te Evanelia, tei hau roa'tu i te hiohia mai te mea ra ê no ô mai i te Atua ra, e te mau taata ê, i te mau ture atoa o te Evanelia. Mai te mea te au nei to tatou oraraa i te mau faaueraa a te Ekalesia, e rave rahi te tauatini o te mau taata te pee mai e te faarii mai ia'na, o te reira hoi ta hoê ravea ia haamanuia i te ohipa no te tau a muri atu. Teie te mea rahi tei faataa ê roa i te Ekalesia i te tahi

atu mau Ekalesia, na'na iho oia e faatere. I roto i teie nei Ekalesia aita te Autahu'araa i faarirohia ei pûpû taa ê, no te mea e tia i te mau melo tane atoa ia farii i te Autahu'araa, maori ra te huaai o Kaina oia hoi te taata ereere, aita e pûpû taa ê i roto i te Ekalesia no te mea e tia i te mau melo atoa, te tane e te vahine tei haapao maitai, ia riro ei taata faatere. E tia i te mau amaa atoa ia titau e ia riro to'na mau melo ei faatere ia'na iho, te tane e te vahine, no reira e tia i te mau melo atoa ia faaineine ia ratou iho, no te mea te vai ra te tau, e anihia paha ratou ia faatere i te ohipa i roto i to ratou amaa. No reira, teie te hoê haapiiraa tumu na te Ekalesia ia haapao te taata ia'na iho, no te mea o te taata tei matau i te tiaturi ia vetahi ê eita oia e etaeta, e paruparu ra. E mea huru maitai a'e ia amu i ta oe iho faraoa, ma te haehaa, i te haere e amu i te maa i roto i te mau tamaaraa tei faatupuhia e te aroha a vetahi ê. Ia aufau maite hia e te taata te tufaa ahuru e te tahi atu â mau moni tauturu, ei faaruperupe raa i te amaa, e ia ravehia taua ohipa ra ma te afaro i mua i te aro o te Atua, te tumu o te mau maitai atoa, e vai noa ia to'na Varua i rotopu i te mau taata no te haamaitai, tauturu e te faaitoito ia ratou iho. O te haapao maitairaa ia'na iho, o te niu rahi no te paturaa i te mau ohipa no te tau a muri atu.

Te ravea faaora, no te feia i pohe, mai te mea e ravehia ma te papu i te imiraa i te mau parau tuatapapa, e horoa mai ia tatou i te mau tau a muri'tu, te tautururaa e te haamauruuru raa o te mau varua e rave rahi i te ao a muri atu. I roto i te reira tautururaa, e oti to tatou mau hiaai atoa.

E tia ia riro te Feia Mo'a no te Mau Mahana Hopea nei, mai te hoê utu'afare tei i te aroha, tei faaroo e tei haapao maitai i te mau ture atoa tei faataa ê hia na e to tatou Metua i nia i te Rai. E faariro te here, te au taeae raa e te varua tauturu, i te Ekalesia a te Mesia ei mea noutouhia e te mau tamarii a te taata nei.

E au mau taeae, te parau atu nei au e, ia rahi no'atu to tatou faaturaraa i te Autahu'araa, tei horoahia ia tatou, e haere ihoa te ohipa a to outou mau amaa i mua, no te mea tei roto i te Autahu'araa te mana faatere, e o outou te feia

faat
no t
nei

roa'
pao
faar
roto
Am
Am
lesia
roto
hu'a
feia

mai
mai
mau
Tei f

mai, t
no to'
ravea
poria
taoto

Roto M
vau ta
o tei h
ratou i
taeraa

faatere i roto i te Ekalesia, ia outou ia te farii i te utua no te faatereraa tei tuuhia i nia ia outou, mai te mea te tia nei outou i te hoê mea no te tau a muri atu.

Eaha te noaa ia tatou i te tau a muri'atu? E rahi roa'tu paha ia i to tatou huru, i teie nei, mai te mea e haapao tatou i teie nei mau mea rii: E upootia i nia i te ino; faarahi i te varua poro Evanelia, faahotu i te varua aroha i rotopu i te mau melo no te Ekalesia, faaineine i te mau Amaa ia faatere ia ratou iho, e ia tauturu te tahi Amaa i te tahi amaa, faarave maitai i te mau ohipa o te Ekalesia, a imi i to tatou mau tupuna i pohe, faatupu te here i rotopu i te mau utuafare no te Amaa e ia faaitoito te Autahu'araa ia'na iho ia tia ia ratou ia tae i te vahi e au no te feia tei faataahia no te faatere i roto i te haehaa.

Eaha te noaa ia tatou i te tau a muri atu? E noaa mai ia te mea ta tatou iho e hinaaro, no te mea na horoahia mai ia tatou, te mana no roto mai i te Evanelia ia faaoti i te mau ohipa atoa no te haere raa i mua i roto i te opuaraa a Tei faanehenehe i te ravea ora.

Hopea.

Te Mau Parau Api.

E taotoraa maoro.

I roto i te Oire Chirago Amerita ua tupu hia te hoê vahine i te mai, tei parauhia te mai taoto. E piti matahiti i teie nei te maoro raa no to'na taoto raa e te taoto noa nei â oia. Ua imi te mau taote i te mau ravea atoa e aita e faufaa, e mea maitai roa to'na tino e te tupu nei i te poria raa, e ia hio te mau taote ia'na aita e hoê peapea, maorira ua taoto noa oia.

Hoê Ati Rahi

I te 23 no Fepuare i mairi a'e nei ua faerue te hoê pahi reva i Roto Miti, ma te opua raa ia haere i te hoê oire i te hitia o te ra. E too vau taata o tei reva i nia taua pahi ra, e piti taata faatere, e hoê vahine o tei haapao i te mau piha o te pahi, e e too pae horapatete. Ua faarue ratou i Roto Miti, i te hora piti i te ahiahi, e ua tia te mau taata i te taeraa o te pahi i te vahi i opuahia, e aita te pahi i tae atu. Ua imihia te

pahi, e ua ite hia oia inia i te mou'a, e ua parari roa te pahi reva, e ua pohe roa te mau taata atoa. O te matai, te hiona e te toetoe tei manao hia o te tumu no teie ati.

E Ohipa Rahi.

I roto i te avae Fepuare nei na anihia to tatou taeae o Reubena Tarati te tauturu piti, no te Peretiteni raa matamua no te Ekalesia, e te Hau Amerita ia haere i te Fenua Apatoa ia faaafaro i te tahi mau peapea i reira. Ua farii Reupena Tarati i taua aniraa ra e ua reva atu oia, e ua afaro nehenehe roa taua ohipa ra, e ua hoi mai oia no taua mau fenua ra, e ua maururu te mau taata i reira i te mau ohipa ta'na i rave.

Aueueraa Fenua

Ua tupu te hoê auenê raa fenua i Rutirani e e mea huru rahi te mau fare tei parari e e piti taata tei pohe.

Ua iteahia.

Te faaite mai nei te mau vea no Paris, Farani, ua taniuniu mai na taata ra, o Andre Malraux e o Corniglion Molinierna taata faatere pahi reva, Farani, e i to raua maueraa na nia i te fenua ra o Arabia, ua iteahia e ua nenei hia e raua te hohoa no te oire o te arii vahine o Seba tei moe roa a'enei. Te faaite nei raua e te vai nei e 20 fare te tia noa ra i nia, e tei te hiti, taua oire ra i te vairaa, i te medebara rahi tei paraubia Roubat El Kahli.

Mai te mea e e parau mau ta taua na taata toopiti nei, ua tae ia te hopea no te imiraa i taua oire paaroo ra, no te mea ua hanere te matahiti tei pau i te imi noa ra hia e te mau taata paari o teie nei ao.

I roto i te vea no te 10 no Mati, te faaite faahou nei teie nei nau taata e, te opua nei raua i te haere faahou i te vahi ta raua i ite i taua oire ra, e e haere raua i raro no te hiopoaraa i te huru mau o te mau mea e toe ra, e ia tae raua i reira e faaite mai ia raua i te vairaa mau o taua oire tei imi hia e na tauatini matahiti i pau a'e nei.

LOUIS DROLLET *Gérant*

L. R. MALLORY *Imprimeur.*

Rue Dumont d'Urville, Orovini, Papeete, Tahiti.